

守法規 重廉潔

廉潔鄉郊選舉

鄉郊代表選舉受廉政公署所執行的《選舉（舞弊及非法行為）條例》監管。這套展板以生動的漫畫帶出法例的精神及內容，並呼籲大家「守法規 重廉潔」，齊心支持廉潔鄉郊代表選舉。

廉潔選舉查詢熱線：2920 7878

舉報貪污熱線：25 266 366（24 小時）

廉潔選舉網站：www.icac.org.hk/elections

設定上限 公平競爭

格	對白
1	（街坊甲）你有心為大眾服務，點解唔參加鄉郊代表選舉？
2	（街坊乙）哈哈，咪講笑！聽講某某亦參選，我邊夠佢錢多.....
3	（街坊甲）法例已為選舉開支定咗最高限額，避免經濟較充裕嘅候選人享有優勢，造成不公平。
4	（街坊乙）既然可以喺平等嘅條件下競逐，我就放心參選，實現服務大眾嘅抱負啦！

參選決定 豈容威嚇

格	對白
1	（健碩男子）我警告你，唔好參選！
2	（街坊）點解我要聽你講？
3	（健碩男子）〔展示出手臂二頭肌〕因為我有呢個！
4	（街坊）〔手持一份選舉條例〕我都有呢個.....你已觸犯咗選舉條例！

失實聲明 於法不容

格	對白
1	（街坊甲）咦？乜嘢事垂頭喪氣？
2	（街坊乙）今次選舉我實輸啦！我嘅對手發布對我不利嘅消息.....
3	（街坊甲）佢所講有關你嘅一切，係咪真㗎？ （街坊乙）當然唔係真㗎啦！
4	（街坊甲）咁係佢實輸至啱！法例精神着重公平競選，任何人發布關於候選人嘅虛假事實陳述，以阻礙他人當選，都可能犯法！

守法循規 維護公平

格	對白
1	（街坊甲）為咗支持你參選，我決定幫你宣傳.....
2	（街坊甲）我會出錢出力為你印製大量海報及單張.....
3	（街坊乙）多謝支持！不過，你未經我授權，係唔可以幫我招致選舉開支。
4	（街坊甲）係嗎！原來咁都可能犯法㗎，好在有你提醒.....

瓜田李下 免生誤會

格	對白
1	(街坊甲) 往年老豆生日, 我都大宴親朋, 今年我參選, 可唔可以同樣安排?
2	(街坊乙) 設宴目的若非影響他人嘅投票決定, 就有問題。
3	(街坊乙) 不過, 如果藉提供飲食影響他人嘅投票決定, 係犯法 㗎。
4	(街坊甲) 為免瓜田李下, 我打算淨係同屋企人一齊慶祝。

誣告對手 自食其果

格	對白
1	(候選人) [向街坊] 你要恭喜我啦, 我今次一定可以當選!
2	(候選人) 我向廉署提供咗唔少「流料」, 一定可以打擊我嘅競選對手!
3	(調查員) 廉署根據你嘅舉報作出詳細調查, 發覺只有一個人有問題.....
4	(調查員) 就係你涉嫌報假案!

神聖一票 選出賢能

格	對白
1	(街坊甲) [手持兩名候選人的單張, 並自言自語] 候選人阿甲剛正不阿, 誠實可靠..... 阿乙出手大方, 經常請我食飯旅行.....
2	(街坊甲) [向街坊乙請教] 我應該投票俾邊個好呢?
3	(街坊乙) 你係為咗個人嘅小恩小利, 抑或為咗大眾嘅利益而投票?
4	(街坊甲) 我明白啦! 選一個忠誠廉潔、有心服務大眾嘅候選人, 至係我哋嘅最佳利益!

投票選擇 無懼恐嚇

格	對白
1	(流氓) [向路過的年輕街坊] 孖子, 去投票呀?
2	(流氓) 俾兩條路你揀: 一, 投我大佬一票!
3	(流氓) (舉起足球) 二, 唔准去, 返屋企早抖!
4	(年輕街坊) [手持電話] 你威嚇選民? 我揀第三條路: 報 ICAC! [流氓速逃]

弄清資格 投票守法

格	對白
1	(街坊甲) [向街坊乙] 喺長洲同坪洲舉行嘅「街坊代表」選舉係受法例規管。
2	(街坊甲) 要登記做「街坊代表」選舉嘅選民, 必須喺緊接申請登記當日之前 3 年內一直係有關墟鎮嘅居民。
3	(街坊甲) 你經已搬去市區咁耐, 唔合資格登記㗎啦! 仲有, 如果你明知自己有權投票而去投票, 就會犯法㗎!
4	(街坊乙) 明白晒! (街坊甲) 任何人明知你有權投票, 仲叫你投票, 佢都一樣犯法㗎!

守法循規 監察選舉

格	對白
1	(街坊) 維護廉潔選舉，有賴市民大眾嘅支持！大家參與選舉時請緊記：
2	(街坊) [手持一份選舉條例] 守法循規
3	(街坊) [手持放大鏡面向票箱] 監察選舉
4	(街坊) [手持電話] 挺身舉報

諮詢舉報 方便直接

格	對白
1	(街坊甲) 我懷疑某某鄉郊代表選舉中賄賂選民..... (街坊乙) 即刻向廉署舉報啦，可以親身去或者打舉報貪污熱線 25 266 366。
2	(街坊甲) 但我有證據啲！ (街坊乙) 唔緊要，ICAC 會查清楚件事同埋搜集證據㗎。
3	(街坊甲) 但我怕俾人知道係我舉報。 (街坊乙) 唔駛擔心！廉署保密，密密實實。
4	(街坊甲) 如果要查詢同選舉有關嘅反貪法例，可以問邊個？ (街坊乙) (指向“廉潔選舉查詢熱線：2920 7878”)

查詢及舉報

查詢

如欲查詢有關《選舉（舞弊及非法行為）條例》事宜和廉署所提供的各項教育及宣傳服務資料。請致電廉潔選舉查詢熱線：2920 7878

(星期一至五：上午九時至下午七時) (星期六、日及公眾假期休息)

舉報

此外，如欲向廉署舉報與公共選舉有關的舞弊及非法行為，可透過下列途徑：

- 親身

舉報中心 (24 小時) - 地址：香港北角渣華道 303 號地下

各分區辦事處 (星期一至五：上午九時至下午七時) (星期六、日及公眾假期休息)

西港島及離島辦事處

上環干諾道中 124 號海港商業大廈地下

東港島辦事處

灣仔分域街 16 號東城大廈地下 3 號

西九龍辦事處

油麻地彌敦道 434-436 號彌敦商務大廈地下

東九龍及西貢辦事處

九龍灣宏開道 8 號其士商業中心地下 9 號

新界西南辦事處

荃灣青山公路荃灣段 300-350 號荃錦中心地下 B1 號

新界西北辦事處

元朗青山公路元朗段 230 號富興大廈地下

新界東辦事處

沙田上禾輦路 1 號沙田政府合署地下 G06-G13 室

▪ 電話

廉署舉報貪污熱線：25 266 366 (24 小時)

▪ 郵寄

香港郵政信箱 1000 號 廉政公署

一切資料，絕對保密。